

ნიკონი

„...კოოპერატივები ჩვენ იმისთვის ხომ არ გვინდა, რომ გამდიდრების ასპარეზი გავუხსნათ ცალკეულ, ზოგჯერ არცთუ მთლად კეთილსინდისიერ პირებს“.

ჯ. ი. პატიაშვილი



ნახ. ბ. ლომიძისა

ხარბიკა

არაფერში არ ჰქონდა
არც ჭკუა და არც ტვინი,
არა ჰქონდა ფული და
არა ჰქონდა პატივი!..

გზა მომავლისაკენ
გაიჩინა მარტივი:
ტკბილი ბულაჩაურის
გახსნა კოოპერატივი!

გადაცვა ხალათი,
დახლში ჩადგა ხარბიკა,
კედელზე მიახატა
ძველებური „გრაფინკა“!


აზრად რომ არ მოუვა
ამერიკას, აფრიკას,
კაპიკიან წყალს ყიდის
ორმოცდაათ კაპიკად!

ვილაცამ თქვა: — ხარბიკა
გარდაქმნილი კაცია!
მე კი ვამბობ: — ეს არის
ნაღდი სპეკულაცია!

ხარბიკ ამბობს: — დღეიდან
„სულ ვიცინი, არ ვტირი!“
კარგი რამე ყოფილა
ძმებო, კოოპერატივი!

აზიზი

კოოპერატივიტი — გამდიდრებისაკენ...



მა, მალხაზ გიორგის ძე წამალაშვილი, დაბადებული 1954 წელს, მცხოვრები თელავის რაიონის სოფელ აკურაში, ამავე სოფლის კოლმეურნეობის წევრი, მოგმართავთ ერთ-ერთი იურიდიული კაზუსის უპრეცედენტო შემთხვევის გამო, საქმე შემდეგია: ქ. თბილისის I მაისის რაიონის სახალხო სასამართლოს 1988 წლის 23 ივლისის განაჩენით, ბრალი დამედო იმაში, რომ ამა წლის 29 იანვარს ქ. თბილისის I მაისის რაიონის საკოლმეურნეო ბაზარში მოქალაქე ირაკლი კაპანაძისაგან შემდგომი გადაყიდვისა და გამორჩენის მიზნით შევიძინე 155 კგ ლობიო 520 მანეთად, როგორც განაჩენშია აღნიშნული „განზრახული ჰქონდა კილოგრამი ლობიო გადაყიდა 4 მანეთად და 50 კაპიკად და მიიღებდა მოგებას 107 მანეთსა და 50 კაპიკს“.

მოვიყვან მეორე ამონაწერს ამავე განაჩენიდან: „1988 წლის 18 მარტს მიცემულ იქნა სამართალში საქართველოს სსრ სისხლის სამართლის კოდექსის 17,165 მუხლის I ნაწილით, მაგრამ საქმის განხილვამდე მალხაზ წამალაშვილმა 29 მარტს I მაისის რაიონის ცენტრალურ საკოლმეურნეო ბაზარში გადაყიდვისა და გამორჩენის მიზნით შევიძინა 250 კგ ლობიო კილოგრამი 4 მანეთად. განსაზღვრული ჰქონდა კილოგრამი ლობიო გადაყიდა 5 მანეთად, რითაც მიიღებდა გამორჩენას 250 მანეთს. მ. წამალაშვილი იმავე დღესვე შეუდგა თავისი დანაშაულებრივი განზრახვის სისრულეში მოყვანას. მოქ. ნათია პეტროვსკაიას მიყიდა 8 კგ ლობიო და გადაანდევინა 40 მან., ე. ი. კილოგრამი 5 მანეთად და მიიღო გამორჩენა 8 მანეთი“.

სახალხო სასამართლოს განაჩენით ორივე ეპიზოდისათვის შემეფარდა 3 წლით თავისუფლების აღკვეთა ქონების კონფისკაციით. განაჩენის აღსრულება გადამედო 2 წლით.

„ნიანბის“ იურიდიული კონსულტაცია

პატივცემულო რედაქციავ! განაჩენი ჩემს მიმართ უკანონოა! ჯერ ერთი პირველ შემთხვევაში 155 კგ ლობიოს შესყიდვისას არც ერთი კილოგრამი ლობიო არ გადამიყიდა (არ მაცალეს).

მეორედ 250 კგ ლობიო გადაყიდვისათვის კი იმიტომ შევიძინე (გთხოვთ, მილიციამე შურისძიებად არ ჩამითვალთ), რომ პირველი დანაშაულისათვის გასამართლებამდე მომესწრო ლობიოს გადაყიდვა, რათა მოგებით ნაწილობრივ მაინც დამეფარა 155 კგ ლობიოთი მიყენებული ზარალი, მაგრამ დამაცალეს? შენც არ მომიკვდე! ეს არის სამართალი?

გთხოვთ მიპასუხოთ: ვის უნდა მოეთხოვოს პასუხი, რომ ლობიოს საფასურიც მეზარალა და სასჯელიც მივიღე?

პასუხი: შეგახსენებთ, რომ საქართველოს სსრ სისხლის სამართლის კოდექსის 17,165 მუხლის მეორე ნაწილი (სპეცულაცი, რომელიც დენილი არაერთგზის ან დიდი რაოდენობით ითვალისწინებს პატიმრობას ორიდან შვიდ წლამდე, ქონების კონფისკაციით. სასამართლომ თქვენს მიმართ განაჩენის დადგენისას პუმანური თვალსაზრისით გაითვალისწინა, რომ სამართალში პირველად ხართ, გყავთ სამი შვილი, ერთი მათგანი ავადმყოფია, ითხოვეთ პატიება, რის გამოც თქვენს მიმართ გააგრძელეს შელაგათები.

გეთანხმებით, რომ თქვენს საქმესთან დაკავშირებით პასუხი მართლაც უნდა მოეთხოვოთ... ჩვენი აზრით, პირველ რიგში იმ კოლმეურნეობის მესვეურთ, რომლის წევრიც თქვენ ბრძანდებით, რადგან ყოველგვარი შეზღუდვის გარეშე გაძლევენ დედაქალაქის ბაზრებში სასპეკულაციოდ გასტროლიორობის უფლებას.

გული არ უნდა დაგწყვიტოთ თქვენს ახლობლებსა და ყველა იმ პირს, ვინც იცოდა თქვენი სასპეკულაციო საქმენი საგმირონი და ჩვეულებრივ ამბად მიაჩნიათ თქვენი დედაქალაქის ბაზრებში წაწნალი რადგან „ერთს რომ იტყვი, მეორეც უნდა თქვა“!

„კეისარს კეისრისო!“ — თავისი ამაგი არ უნდა დაუწყარგოთ ქ. თბილისის I მაისის რაიონის ცენტრალური ბაზრის ხელმძღვანელებსაც, რადგან ბაზარში ბოლო არ უჩანს სპეკულანტთა თარეშს!..

ჩვენ კი გირჩევთ, დაიმახსოვროთ ქართული ანდაზა: „ერთხელაც იქნება, მელას მინდორზე გაუთენდებო“.

პასუხი მოამზადა საქართველოს სსრ იუსტიციის სამინისტროს უფროსმა კონსულტანტმა ზაზალ მესხინისძემ



ნახ. ბიბა ხუჯაძის (ტყობულის ზონა, სოფელი ნაბოსლევი)

ზაგო ეზნოიძე

საბჭოთა ინჟინერია წოიოიკა



სწორედ ახლა გვჭირდება

ლაპარაკის უფლება და საჯარო გამოსვლა მხოლოდ იმას უხდება, ვინაც წმინდა წყარო სვა, ვინაც დღემდე კაცურად იღვანა და იშრომა, ვერ აცდუნა საცდურმა — ბოროტების პირმშომ! ბევრი სახეს შეიცვლის რომ მოძოვოს აქეთაც; სხვებთან ერთად შეისვრის ქუდს ცაში და კათედრას ისე მოეფოფრება, არც იფიქრებს ჩამოსვლას, ათას რამეს მოჰყვება, გვარიანად დაგვმოძღვრავს! გალმა შეედავება კაცებს, საქმით საჩინოს, რომ თავისი წარსული ხიფათს გადაარჩინოს! სწორედ ახლა გვჭირდება მათი უმალ შეცნობა, თორემ მიემატება ძველს ახალი შეცდომა! როცა იქნება, მიუხვალ მამა-პაპათა რა პიროთ?! დგახარ ბაზარში, ჯველო და — საზამთროო — გაჰყვირო! დანაშაული ეგ შენი არ იზომება სასჯელით! ახლაც მომესმის ქვითინი ვაზების, შენ რომ აჭერი..



დრო და ჟამის მსგავსად

მელიების ოინებიც უკვე რახანია, გადაბრალდათ კურდღლებს. ამით ითქვა: — ცბიერებს მელის სისანყლესთან შეფარება შეელის. დასკვნა ჩვენი: — დრო და ჟამის მსგავსად ეშმაკობაც უფრთხილდება თავსა!

თადარიგი

სიმართლე, მხოლოდ სიმართლე უნდა ვუსაგზლოთ შეილსაო, არ თქვას: — თუ ვერ გაგიმართლებ, რა პიროთ მეტყუვი ძვირსაო! არ თქვას: — ბაბუის ნაჭამმა ტყემალმა ბევრჯერ მიწია! არ თქვას — ეგ შენი მოწვდილი ხილიც მკვახება, ბიძია!



სამდურავი ვენახზე შემომხვრალ ქართველს

აქამდეც ვენახს ვუვლიდი და ანიც ვაზის ფერებით ვიცხოვრებ! რა სათქმელია, დამეკოვრება ხელები. ვმღერი „ჰე, „რქანითელი“-სა და „დასალოცო ძველშავო“-ს!.. ის დილა რამ გამითენოს, ისე რამ უნდა შემშალოს, რომ საზამთროში გავცვალო და ასაკლებად მივადგე?! თუ სადმე ქარში სხმარტალობს ვაზის რქა, ყველა მტკივა დღეს!.. ნურვინ იფიქრებს, იოლი დაჯდეს ვენახის მტერობა, გადაიტანა ათასი მომხდურის ულმობელობა! ავთვალი შაჰინშაჰების და ულმობელი სულთნების ავკაცობაზე მიაბნობს, მე რომ ჭაზს ვესათუთები!.. მაშ რალა ღმერთი გაგიწყრა, — სისხლით, ჯილაგით ჩვენთან?! ქართველი ვარო, — რა ღირს ხარ?! — მე შენს მაგიერ მრცხვენია!

რა გვიან წამომავტირა!

თვალევი აგვეხილება, როცა შორიდან გავთვლით: ირემი რჩება ირემად, დათვად — ისევე დათვი! ვაი შენ, ჩემო ირემო, ყელგამოჭრილო მგლისგან. — რა გვიან წამომავტირა შენმა მართალმა სისხლმა!..

ჯამოთ და ჯამოთ

კურდღელი მელას აბრალებს, მელა აბრალებს მგელს; მგელი რა ბრიყვი კრავია — დათვს არ მიაშვერს ხელს?! ასე მიინვეს თანდათან მტრობა ზემოთ და ზემოთ!.. რაც დღემდე ტკბილი ეგონათ, მწარდება იმის გემო!.. ვაი შენ, ლომო, ცხოველთა გაჩენის დღიდან მეფეო, ყველაზე უფრო ტლახით ბოლოს შენ შეიშხეფეო!



დაგმე, ყველგან დაგმე!

სიტყვას უნდა საქმე! — საქმე თავად დუმს განა? დაგმე, ყველგან დაგმე უსაქმო და უქნარა! აქვს მთავარი ახსნა სიზარმაცის მიზეზებს: არ მუშაობს არსად? — მაშ, სხვებს აზის კისერზე!

ილუსტრაციები ჯ. ლოლუასი



მერეშიერაზე

იუმორესკა

მჭიდროდ თავნაკრული და თვალებამღვრეული უაზროდ დავბოდილობ სამზარეულოში. ჩაი დავლიო თუ ყავა? ყავა და ანა-

ღვინი ერთად ალბათ არ შეიძლება! ჩაის დავლევ ლიმონით. ლიმონის გახსენებაზე გამშრალ ყელში სასიამოვნო სიმწვევე მელდრება. ჩაიდანს ვადგამ. ტელეფონი რეკავს!.. ნეტავ ვინ არის ამ დილადრიან?..

— გისმენო!.. სამსონ, შენა ხარ? რა კარგია, რომ დარეკე, კახა არ არის ალბათ კინოსტუდიაშია, თუმცა არ ვიცი!.. კი, ვიყავით!.. გეხსენება, ნურაფერს მკითხავ, მაინც არაფერი მახსოვს! რა დამემართა? რომც მოგიყვე არ დამიჯერებ! მგონი, ოჯახი მენგრევა!.. მოხვალ? ძალიან კარგს იზამ!.. გელოდები!..

ჩაიდან უსტვენს, რაც ძალი და ღონე აქვს. მაგარ ჩაის ვისხამ, შიგ დიდ ნაჭერ ლიმონს ვაგდებ და ფრთხილად ვწრუპავ. ტურჩები მენვის, ცხელია, სულს ვუბერავ, ვერ ვაცივებ და ლამბაქზე ვისხამ. რა კარგია ვინ მოიგონა ეს ჩაი?! აბაზანაში შევდივარ და ცივ წალს ვუშვრ წახებს, ასე ვდგავარ ერთხანს, უკვე მცოცავ, ონკანს ვკეტავ. ზარია!..

— ახლავე! — სახეს ვიმშრალებ და კარის გასაღებად გავრბივარ. — მოდი, მოდი, რას მომჩერებინარ, ცუდად ვარ! ჩაი გინდა?

— მინდა! — მეუბნება სამსონი და სამზარეულოში მომყვება, თან თვალს არ მაცილებს.

— ე, გურული! თავი როგორ წაგიკრავს?! — ეცინება სამსონს.

— მისკდება, მაგრამ ეგეც არ მშველის!.. — თავს ვიმართლებ და ჩაის ვუსხამ.

— იყავით თუ არა გუშინ „ლირზე“?

— ვიყავით, ვიყავით და ნეტავ არ წავსულიყავი! — ჩაიქინე ხელი უნიათოდ.

— რატომ, არ მოგწონა?

— რა ვიცი, ნინიკოს და კახას ჰკითხე, მე მაინც არაფერი მინახავს! — მხრები ავიჩჩე.

— როგორ?

— როგორ და, ჩვეულებრივად. მთელი სპექტაკლი მეძინა, ორჯერ გამოვიღვიძე და ჯობდა, არ გამომედვიძა. შეხედე! — ხალათის სახელო ავიჩჩე და სამსონს მკლავი მივუშვირე.

— აუჰ, ვინ დაგაღურჯა ასე?! — დაქაჩა თვალები სამსონმა. ახლა მეორე ხელზე ავიჩჩე სახელო და მაჯა გავუნოდე.

— გაგიჟდი?! ვინ გაგიმეტა ასე სასიკვდილოდ?! რა მოხდა, აღარ იტყვი ბოლოს და ბოლოს?!

— მოგიყვები, ოღონდ არ დამინყო ლანძღვა და გამტყუნება, ჯობს მირჩიო, კახა როგორ შემოვირიგო!

— თუ არ მომიყვები, ვერაფერს გირჩევ! აბა, მიდი, გისმენ!

— სამსონ, დედას გაუიცვებ, არ დამცინო!

— მიდი, კაცო, დაიწყე, რას იზამდი ასეთს!

— კარგი, მაშინ მისმინე: ხომ გახსოვს, რა წვალებით ვიშოვე მოსანვევები, მთელი „ლირი“ ხომ თავიდან გადავიკითხე და ლამის ზებირად დავისწავლე, დილიდან სამზარეულის შეუდევნი ვაუთოვე ჩემი, კახას და ნინიკოს ტანსაცმელი, ვკერე, ვკვამს, ვიბანავ, არაყნის ნიღაბი გავიკეთე, ერთი საათი წავიძინე და ასე ექვსი საათისთვის კოსმეტუკაც წამოვიწყე. ნინიკო და კახა ჯერ არ იყვნენ მოსული. უცბად დარეკა სალომე: ჩქარა გამოდი, ქეთინოსა და თენგიზს გაცილებას ვუნყობთ, შენს გარდა ყველა აქ არისო!

— ეგ როდის, კაცო? — ჩამეკითხა სამსონი.

— როდის და გუშინ, დღეს უკვე მოსკოვში მიდიან.

მერე, მე რატომ არ დამირევს? — აშკარად ენწყინა.

— რა ვიცი, სამსონ! ეგ არ არის მთავარი, შენ დანარჩენს უსმინე: ვერ წამოვალ, პრემიერაზე მივდივარ-მეთქი, ვუთხარი. აბაზე სალომე იხე აკივლდა, — შენ არც ახლობელი იცი, არც შორეული, ხალხი ორი წლით გადასაკარგავში მიდიან, ასეთი უჯიროდ როდემდე უნდა იყო, — რომ ხმა ჩამიწყდა, მოვალ-მეთქი, დაეპირდი და წავედი კიდევ იმ პირობით, რომ ერთ საათში გამოვიპარებოდი, წამსვლელებსაც გაგაცილებდი და სპექტაკლსაც მივუსწრებდი. კახას და ნინიკოს წერილი დავუტოვე, უჩემოდ წადიოთ, თეატრთან შევხვდებით-მეთქი. მოკლედ, ასი კურდღლის დაჭერა მოვიწოდებ ერთად.

— ნახვედი? არა, იმ უსინდისობაზე მე როგორ არ დამირევს?! მომტყუნე არა სასტავიდან?! ხარაშო!.. — თავიდან დაიწყო სამსონმა წუნწუნი.

— ჰოდა, მივედი!.. ქეიფი დაწყებული ჰქონდათ. ქეთინო და თენგიზი სუფრის თავში ისხდნენ და ისე ჩამოსტროდათ სახე, გავგონებოდა ავსტრალიაში კი არა, არქტიკაში გავმწესებინოთ თეთრ დათვებთან გამოსახამთრებლად. დანარჩენებიც ასევე მუხავე სახეებით დამხვდნენ. მაშინვე წამსვლელების ბედნიერი მგზავრობის სადღეგრძელო მაჯახეს. სამსონ, ხომ იცი, მე, საერთოდ, არ ვსვამ ჩაფიქრებულს, ბოლომდე უნდა დავლიო, მითხრა თამადამ და მეც შემეშინდა, რა იცი, ამხელა გზაზე რაზე არ შეემთხვათ-მეთქი, ჭიქა ბოლომდე გამოვცალღე!..

— რას სვამდნენ? — ჩამეკითხა სამსონი.

— რა ვიცი, მგონი, კახური იყო, ტანინიანი, საზიზღრობა! — დავიმანჭე.

— ვაი შენს პატრონს! სად ჰქონდათ ჭკუა, თორემ შენს დაპატიყებას ჩემთვის დაერეკათ არ ერჩივნათ? ხარაშო!.. მერე!

— სამსონ ძალიან გთხოვ, ნუ მანყვეტინებ, ისედაც აზრი მებნევა!.. სად ვიყავი?

— კახურს სვამდით!

— რა კახურს, პირველი ჭიქა რომ დავლიე, უკვე გითხარი? თუმცა როგორ არა, მერე დაილია მათი შეილებების აქ უშუოთველად დარჩენის, მათი ავსტრალიაში კეთილად დაბინავების, მათი ოჯახის მფარველი ანგელოზის და კიდევ სხვა მეტად მნიშვნელოვანი და სიმბოლური სადღეგრძელოები, რომელიც ასევე ბოლომდე გამომაცლევინეს, რადგან ჩაფიქრებული ჰქონდათ და საერთოდ, როცა ადამიანი ამ სიშორეზე მიემგზავრება სამუშაოდ, მას სწორედ მაშინ სჭირდება ახლობლების სითბო და მხარდაჭერა. ასე რომ, როდესაც საათზე დავიხედე და უკვე რვა იყო დანყებული, ტანში გამაყრყოლა. ჩუმად გავიყვანე დერეფანში თენგიზი, მოეუბოდიშე და გულაჩუყებული დავემშვიდობე. ერთი კი წამოსცდა თენგიზს სად მიდიხარ ნასვამი, თვალები გიპრიალებსო, მაგრამ მე არ დავიშალე, თანაც არც ისე ნასვამი ვიყავი. სამსონ შენ ხომ იცი, მე საერთოდ არა ვსვამ!

— რომელ საათზე მიფრინავენ, თუ გახსოვს?

— მგონი, ლამის რეისით.

— არ გავაცილოთ?

— სამსონ, შენ მისმენ თუ არ მისმენ?! — მოულოდნელობისაგან შევყვირე. — ვგავარ ახლა მე ვინმეს გამცილებელს?!

— გაგივლის შექალო სადამომდე, აბა, ასე კი არ დარჩები! — სიცილი აუტყდა სამსონს.


— შენ რომ იცოდე, მერე რა მოხდა, ასე არ ილაპარაკებდი!

— ჰოდა, მოჰყვი მერე, რას მეჩხუბები?!



— ზუსტად ვერ გეტყვი, მაგრამ მგონი საკუთარი ქმარ-შვილის ნახელავია. არც ერთი არ მელაპარაკება, კახას დილას კარებში მოვკარი თვალი, საღამომდე აქედან გამასწარიო შემომიღრიალა და კარი ისე გაიჯახუნა, კინაღამ ჩამოიღო. ნინიკომ დილიდანვე გამასწრო აკადემიაში. მოკლედ, შენზე მეტი თუ რამე ვიცოდე, უსინდისო ვიყო! ნელ-ნელა რაღაც-რაღაცები მახსენდება და შიშით გული მისკდება!..

მომიყვი ერთი, რა გახსენდება ასეთი!



— სად ვიყავი? ჰო, ტაქსი გავაჩერე, მძღოლმა, როგორც კი ვუთხარი, რუსთაველის თეატრთან მეთქი, მაშინათვე ულტიმატუმი წამომიყვანა — იქ ნაროდნი გულბანიანია, ძნელადიდან თუ დაწყობს, წაგიყვანს! გვიანდებოდა და ულაპარაკოდ ჩავჯექი. დაიძრა თუ არა მანქანა, ფანჯრიდან გრილმა ნიავმა დამიბერა სახეზე და ოდნავ გამაბრუა. სავარძელს მივესვენე, თვალები მივლულე. უცებ მუხრუჭების ქრიალმა გამომაფხიზლა, წინ გადავქანდი, რა მოხდა-მეთქი, გვიტხე მძღოლს შეშინებულმა. „მოგე დიდი, რა! — მითხრა მან. — აკი გითხარი, ძნელადმდე მიგიყვან-მეთქი, რაღა დარჩა, ერთი პატარა პადიომი!“ მე ვერ მივხვდი, რას მელაპარაკებოდა ის მძღოლი, რაზე შემითანხმდა და რატომ მომიყვანა ძნელადის ქუჩაზე ერთი კარგად მივალანძლე, სულ გათავხედდით; როგორც გინდათ, ისე დადიხართ-მეთქი მივუვადე ორი მანეთი და კარი მივუჯახუნე. „შარია ვილაცაა სუმაშინი!“ — მომაცხა მძღოლმა და ბორბლებს ქრიალით მოსწვივია მანქანა ადგილიდან. მოკლედ, ვერ გავუგეთ ერთმანეთს. რვა ხდებოდა. გიყვით ავირბინე აღმართი, ქუჩის თავიდან ნინიკოსა და კახას გამიხებული სახეები მიმხერდნენ.

— ქეთინოსა და თენგიზს ვაცილებდი, კახუშ ცოტა დამაგვიანდა, დიდი ხანია მიცდით? — მივლაქუციე, მაგრამ უცრად ვიგრძენი, რომ ფეხის ფეხთან მიდგმისას ნონანსროობას ვკარგავდი. კახამ და ნინიკომ აქეთ-იქიდან დამავლეს ხელი და შეასველელისაკენ გამაქანეს, მე მათ სიჩქარეში ფეხს ვერ ვუნწყობდი, ამიტომ სულ ჩოჩიალ-ჩოჩიალით მიმათრიეს პარტიზანდღე. სინათლეები უკვე ჩამქრალი იყო, სიბნელეში კახამ ძლივს მოძებნა ჩვენი ადგილები და მასა და ნინიკოს შორის ისე ჩამკუჭა სავარძელში, ვიფიქრე, აქედან ხომ ვედარაფერი ამომფხეკს-მეთქი.



— დედი, რატომ მიესალმე იმ ქალს ფოიეში? — ყოვლად მოულოდნელად მკითხა ნინიკომ. რადგან ვერ მივხვდი, რას გულისხმობდა, ყოველი შემთხვევისათვის ჩემი თანაკლასელი იყო-მეთქი, ვუპასუხე.

— აბა, რატომ უთხრა იმ ქალმა მეორეს, აზრზე არა ვარ, ვინ არისო? — პირველზე უფრო რთული შეკითხვა დამისვა ახლა ნინიკომ, მაგრამ ამ დროს გვერდიდან კახამ გადაუბრიალა თვალი — გაჩერდიო, და მეც ამოვივსუნეთე.

სცენაზე ზუსტად ჩემს პირდაპირ, აივანზე ვილაც კაცი იჯდა ფეხიფეხ გადადებული და სევდიან თვალებს არ მაცილებდა. უხერხულად მივიხედ-მოვიხედე, აშკარად მე მიყურებდა, ზრდილობიანად გავუღიმე და თითებიც დავუქნიე. ეს იყო და ნინიკომ ის ხელი უცბად დამიჭირა, გადამიგრისა და ზურგს უკან გადამამალვინა. მე გავიბრძოლე, მაგრამ არაფერი გამივიდა, ყვირილს ხომ არ დავიწყებდი იმდენ ხალხში? დავნებდი..

— ვის დაუქნიე ხელი? აივანზე რომ კაცი იჯდა, იმას? — სიცილისაგან ხველება აუტყდა სამსონს. — ეგ ხომ ბუტაფორიაა, ვილაც უცხო, მოსიერიუ!.. რა მარტივად გადაუნყვით რეჟისორს ჩანაფიქრი კიდევ ვინმე ხომ არ გეცნო სცენაზე, იგებ რამაზ ჩხიკვაძე?.. იმასაც ხომ არ დაუქნიე ხელი?

— ნუ მკითხავს! — წაივინე თავი ხელი, — სწორედ აქედან იწყება მთავარი. მას შემდეგ, რაც მკლავები გადამიგრისხს და მაგრად დამჩქმითეს, მოვიწყინე და სულ მალე ტკბილად დავიძინე ნინიკოს მხარზე. რა არ დამეხიზმრა! ძირითადად ქეთინოსა და თენგიზის ბანკეტს ვხედავდ. მთვრალი მამაკაცები უაზროდ ბლუჟუნებდნენ, მოწყენილი ქალები მიძინებულ თვალებით უსხდნენ სუფრას და თითქმის თვლემდნენ. უცრად გაიღო კარი და ოთახში შემოვიდა რამაზ ჩხიკვაძე. ვიფიქრე, გვეშველა, ახლა მაინც გამოცოცხლდება აქაურობა-მეთქი. „ოი, რამაზ, რა კარგია!“ — წამოვიყვირე, მკლავები გავშალე და ფეხზე წამოვიჭერი. შეხედე, სამსონ, ეს დიდი ჩაქცევა სწორედ მაშინ მივიღე, ეტყობა: კახამ ხელი მომიჭირა და უკან ჩამკუჭა სავარძელში. — დი-ძინე, რა დე, ნუ იღვიძებ! — შემომტირა ნინიკომ.

ერთხანს მაგრა მტკიოდა მკლავი, კატასავით ვკრუსუნებდი, მერე გამიყურდა და ისევ მიმეძინა ღრმა და უშფოთველი ძი-

ლით. ოღონდ ერთხელ სინათლე აანთეს დარბაზში და პარტიზანობა დაიწყო.

— ანტრაქტის დროს ალბათ, თორემ ისე როგორ შეგაჩუქებდნენ? — დამიდასტურა სამსონმა და თვალებზე ხელი ავიდარა.

— ალბათ, მაგრამ მალე სინათლე ეკლავ ჩაქრა და კარგად ყველაფერი დაწყნარდა, უცრად დამჩქვრის სურნი მივა, თვალი გავახილე. ღმერთო, მთელი სცენა ბოლავდა!.. მსახიობები ძლივსლა მოჩანდნენ, ისინი იატაკზე ეყარნენ, დაბობლავდნენ და შევილას ითხოვდნენ, კვამლი მატულობდა და მატულობდა. უცებ შეინძრა, შებარბაცდა ირგვლივ ყველაფერი, დაიგრუხუნა, დაიგრავინა და მთელი დეკორაცია პარტიზანსკენ გადმოიწია!.. ცოტაც და ზედ დაგვემხობოდა!.. დარბაზში ისევ ბნელოდა, გაოგნებული მაყურებელი დუმდა, მსახიობები იქით-აქეთ აწყდებოდნენ, ხოლო ღირი, ანუ რამაზ ჩხიკვაძე: გულწასულ გოგონას თოკით მიართრედა კულისებისაკენ გადასარჩენად, მაგრამ თვითონაც გაგუდულს მუხლი მოეკვეთა და გულშეღონებული შუა სცენაზე ჩაჯდა!.. „მიშველეთ, გამიშვით, კახა, ნინიკო, მომყვით!“ — ვიყვირე და ელდანაკრავივით ადგილიდან წამოვხტი, ვერც კი მივხვდი, როგორ აღმოვჩნდი ფოიეში.

— ყოჩაღ! — წამოვიყვირა სამსონმა. — ქმარ-შვილი იმ ალიაქოთში დატოვე ხომ?

— არა, კაცო, ისინიც წამოცივდნენ ადგილებიდან და გამოვიდნენ, ოღონდ ვერ დამენივნენ. ფოიეში სამარისებური სიჩუხე სუფევდა, აქედან უკვე გაქცეულან-მეთქი, ვიფიქრე, ერთი კიდევ შევკვივლე თავგანწირვით — კახა, ნინიკო სადა ხართ-მეთქი და პარტიზანს კარებისკენ გავეჩადი, ამ დროს დავინახე, როგორ გიყვებოდა მორბოდნენ ისინი ჩემკენ. მე მათ ხელი დავუქნიე — აქეთ-მეთქი, და გასასველელისკენ გავექციე, ისინი გამოემდეგნენ. მოკლედ, ჩემი ჭკუით, ბენვზე გამოვასწარი.

— აბა, აბა, ბენვზე გამოგისწრიათ!.. მინისძვრა იყო, არა? მსხვერპლი? — სიცილს ვედარ იკავებდა სამსონი.

— აღარ მახსოვს, როგორ მოვედით სახლში. მანქანაში ნინიკოს გულში ვიხუტებდი და ხმით მოვთქვამდი. ეს იყო და ეს. დანარჩენს თვითონ ხედავ: შვილი არ მელაპარაკებდა, ქმარი სახლიდან მაგდებს!..

— ეგ კიდევ არაფერი, შენ ანი ნახე, რა მოხდეს! ხვალე პრესის ფურცლებზე ვიხილავთ ამ ამბავს მთელი სიგრძე-სიგანით გაშუქებულს: ამა და ამ დღეს ამა და ამ თეატრში, პრემიერაზე სიმბათიური, ახალგაზრდა მანდილოსანი შიზოფრენიის მწვავე შეტევით გაყვანილი იქნა დარბაზიდან ფინალური ნაწილის მიმდინარეობისას, რამეთუ რეჟისორის ჩანაფიქრმა მასში მეორედ მოსვლის ასოციაცია გამოიწვია, დარბაზში მსხდომი საზოგადოება და თეატრის მომსახურე პერსონალი ერთობ უხერხულ მდგომარეობაში აღმოჩნდა. ავადმყოფი მიაბრძანეს, სადაც ჯერ არს, ხოლო მისგან დაზარალებულებს თეატრის დირექციამ მოწოდებულ და მატრიალური ანაზღაურება აღუთქვა, ავადმყოფის მდგომარეობის და მისი მომავალი ბედის შესახებ უახლოეს ნომერში მოგახსენებთ! — დაასრულა თავისი სიტყვა სამსონმა და საჩვენებელი თითი ჩემკენ გამოიშვრა.

— ღმერთო ჩემო, მოდი და ამას რამე მოუყვი! ორივეს ისტერიკული სიცილი აგვიტყდა.

ილუსტრაციები ჯ. ლოლუასი



ილუსტრაციები ჯ. ლოლუასი

ბევრ სფეროში დაიბუდა მექრთამეობამ. გამოვლინდა მექრთამეობის, გამოძალვის მრავალი ფაქტი, დაისაჯენ და მნაშავენი.



ნახ. ბ. მორდუხიძის

— გაიგე?! დაუჭერიათ!.. აფხუს, ის რომ აქ ყოფულიყო!..

ექსპერიმენტული

გახსნეს ხილის მაღაზია ექსპერიმენტული, შიგ ვერ შეხვალ, თუ არა გაქვს შენი წონა ფული!.. გაორმაგდა ყველას ფასი — მსხალია თუ ვაშლი, თანაც ხარისხს თუ შეხედავ, გააფრუოლებს ტანში!.. გაუტოლდა ბაზრის ფასებს მაღაზიის ფასი, გახდა ბაზარ-მაღაზია ერთმანეთის ასლი!.. ექსპერიმენტ-ექსპერიმენტ გაგვიწყალდა გული, ლამის სიტყვა შეგვაჯავრონ

ექსპერიმენტული!

სიძვირისგან თუ ჯიბეში არ შემოგვრჩა ფული, ვის რად უნდა მაღაზია ექსპერიმენტული?! ექსპერიმენტ-გაძვირება გვწამს, გაჰყვება ნიავს და ვიხილავთ ექსპერიმენტს, ხელსაყრელს და იაფს! თუ არადა, საყიდლებზე რომ გაგვიწვდეს ფული, უნდა გვქონდეს ხელფასებიც ექსპერიმენტული!

გურამ კლდიაშვილი

ნახ. მ. აბაშიძის



— აქ ვის ელოდები?
— გავიგე, შტატებს ამცირებენო და შემცირებუ-
ლი მინდა ჩემს ბრიგადაში წავიყვანო!

ჩემი სამტომეული

ნათლად ვხედავ ამ სიტუციების წამოთხველი ჩემი კირკიტო-
სების შეშფოთებას:
— საიღანი? როგორ? რა აქვს?!. ვლანძღვთ, მიწასთან ვასწო-
რეთ. მწერლად არც ჩავთვალეთ!.. აქ კი — სამტომეული!.. საფრთხე
რესოა, ტირაჟი რამდენი დათორია? ან გამომცემელი ვინ არის?
დაშოშმინდით!
ტირაჟი ჩემი ტომებისა გახლავთ!.. თითო ცალი
ხომ ამოიხუნტეთ?
ისინი შედგება ფრონტიდან გამოყოფილ და თქვენგანვე გარყოფ-
ლებულ-გაუარესებულ ჭრილობა-ავადმყოფობათა ისტორიებისაგან.
გამომცემელია ჩემი საავადმყოფო-პოლიკლინიკა.
ახლა თავისუფლად ჩაისუნტეთ!

ვლადიმერ თორდუშა.

ფაქტები

- ორდინატურაში ორ დენიანი ტურაკაცი მუშაობდა.
- ვინც პირველი ხარისხის ჩაის კრეფდა, ბოლო ადგილზე გამოვიდა.
- პირველობა იმას მისცეს, ვინც პირს არ აჩერებდა.
- ნიღაბ თეთრ პურს უშრომლად მიირთმევდა, მაგრამ ერთხელაც შავი დღე გაუთენდა.
- „ღმის“ აკეთებდა და უღევო ცხოვრება შეიძინა.
- გამჟღავნელი პინას ათამაშებდა და საუკეთესო ბინა „დაირტყა“.

ოთარ ნაჰაშვილი
(ქ. სოხუმი)

საქმოსნები

დიტომ, კატომ, რატიმ, ტიტემ ერთდროულად გადანყვიტეს, შექმნან კოოპერატივი, არ ელოდონ სხვის ლიმიტებს.

აფინანსებს ტიტე რატის, ის კი გახსნის კოოპერატივს, დაუბრუნებს რატი ტიტეს თანხებსა და სხვა კრედიტებს.

ჯიბე ფულს რომ ვერ დაიტევს, მერე რატი მფარველ ტიტეს თავის მხრივ დააკრედიტებს, თავსაც მოიმიამიტებს.

უნინ ტიტე ყიდდა ტიტებს, ახლა ყველას აკრედიტებს, ავსებს ღვინოშაქრით ტიკებს, ზის დუქანში და ტიკტიკებს.

გახდა ვითომ დემოკრატი — მემოისხა ირგვლივ რატიმ ვინ — მეკობრე, ვინ — პირატი, ჟონგლიორი, აკრობატი!..

კატო ბლომად აცხობს ნამცხვრებს, უხვად აჭმევს იმ „ცხვრებს“, ამ „ცხვრებს“, არ ჰგავს მუშაკს ახალბედს, ამ საქმეში მხოლოდ დამწყებს.

და წინ მიდის, როგორც ტივი, საქმე კოოპერატივის, — არც კონტროლი არსაიდან, არცინ დავობს, არცინ ჩივის!

კმაყოფილი არის ყველა: რატიც, კატოც, ტიტეც, დიტოც, გულით უნდათ, სასურსათო პრობლემა რომ გადანყვიტონ!

მაგრამ ფასებს თუ იკითხავთ, დაგიდგებათ თმები ყალყზე! საკუთარი ჯიბისათვის ზრუნვა სჭარბობს ზრუნვას ხალხზე!

თ. შიტილხაველი





მიხეილ მჭედლიშვილი

„უსიტყვოდ“ ...

ასეთი სათაურით გამოსცა გამომცემლობა „ბელოვენბამ“ თვითნასწავლი მხატვრის უსიტყვო ნახატი ხუმრობების ნიგნაკ-კრებული, რომელშიც ასამდე ნახატი ხუმრობაა შეტანილი.

კრებულს წინ უძღვის მოქანდაკე ვახტანგ ონიანის წინასიტყვაობა.

მიხეილ მჭედლიშვილის ნახატი ხუმრობები არაერთხელ გამოქვეყნებულა ჩვენი ჟურნალის ფურცლებზე. ამჟამად გთავაზობთ რამდენიმე მათგანს.



იუვიათი ოპერაცია

იუმორისა

შუალაშისას უჩვეულო რყევისაგან გამომდევდა. ღვინო თითქმის გამონელებული მქონდა და მას აღარ შეეძლო საწოლიანად ასე ვერნოე. მამ, რა უნდა მომხდარიყო?

გაგებდე და თვალები გაგახილე. ოთახი აღარ ტრიალებდა. მართალია, პირში მწარე გემოს ვგრძნობდი და თავიც ვასკდომანზე მქონდა, მაგრამ აქ არაფერი იყო საგანგაშო — ჩვეულებრივი საპახმელიო დღე მითენდებოდა, თუმცა გათენებამდე ჯერ შორს უნდა ყოფილიყო, რადგან ძალიან ბნელოდა...

უცბად ლამის ვიყვირე — სულ ახლოს თეთრპერანგიანი ქალი დავლანდე, საწოლს მოსდგომოდა და გამოზომილად არწევდა, ალბათ ჩემს გაღვიძებას ლამობდა. ვინ უნდა ყოფილიყო?! ან მე სად ვიყავი, სად ვათევდი ღამეს კოკისპირული სმის შემდეგ?!

ჩემი კოჭლი საათის ჩლახუნზე მივხვდი, რომ შინ ვიყავი, მაგრამ ამ ქალმა როგორღა შემოაღწია დაგმანულ ბინაში?! ეს გავიფიქრე თუ არა, მაშინვე გამახსენდა, რომ მეორე გასაღები ჩემს მეზობელს — პენსიონერ ლადოს დავუტოვე... ნუთუ ლადოს შეეძლო ასეთი რამ მოეწყო ჩემთვის?!

თეთრპერანგიანი ქალი კი იდგა და ალბათ მომლოდინე თვალებით დამყურებდა, საწოლის რწევა შეწყვიტა, უთუოდ მიხვდა, რომ გავიღვიძე...

გული ამიჩქროლდა სიხარულისაგან, მაგრამ უმალ შიშმა დამრია ხელი, ვიფიქრე, პალუცინაციები ხომ არ დამეწყო-მეთქი (პლემპოლური ფსიქოზი ასეთ მოლანდეებსაც ითვალისწინებს).

ახლა იმის გახსენება ვცადე, გასაღები რისთვის დავუტოვე ლადოს და მაშინვე გამახსენდა მთავარი — გულის გადანერგვის ოპერაცია!..

აზრი მოვიკრიბე და მოგონებათა ერთეული მარცვლების აკინძვა ვცადე...

გულის გადანერგვის ოპერაცია კვლავც რჩება გაბედულ რისკად, განსაკუთრებით ავადმყოფის მხრივ, რომელსაც აუცილებლობა უბიძგებს, გადაადგას ასეთი საბედისწერო ნაბიჯი.

ასეთი აუცილებლობის პირისპირ აღმოჩნდა ჩემი მაცივარიც, რომელსაც საბოლოოდ გაუჩერდა გული და კლინიკური სიკვდილის შოკში ჩავარდნილს გამობრუნება აღარ ეწერა!... ერთადერთი ხსნა იყო გულის გადანერგვის ოპერაცია!..

გავისხენე პირველი პაციენტი ვაშკანსკი, რომელმაც ვაშკაცურად გადაიტანა ასეთი ოპერაცია და რამდენიმე დღის შემდეგ ვაშკაცურადაც დადო თავი. ვახსენე ღმერთი და ჩემი მაცივარი სასწრაფო სამედიცინო-ტექნიკური დახმარების მანქანით „ჩემბიტტექნიკის“ მთავარი სახელოსნოსაკენ გავაქანე...

დაიწყო ლოდინის მძიმე წუთები, საათები, დღეები, კვირები, თვეები!.. მე ნერვებმა მიმტყუნა და დარდისაგან გავლოთდი. — რესტორან-სამწვადეებში ვათენ-ვალამებდი და მიზეზიც მქონდა — მე ხომ მაცივრის გარეშე დამოუკიდებელი ცხოვრება არ შემეძლო! ნაბახუსევი საშინელ ხასიათზე ვიღვიძებდი და „ბორჯომის“ მომწოდებელიც არავინ მყავდა. ძალიან რომ გამიჭირდა, დასასვენებლად ხანგრძლივ ტურნეში მყოფ ჩემს მეუღლეს ვუდებე, მომხედ-მეთქი! გასაღები კი მეზობელს დავუ-

ტოვე, თუ ვინცობაა მეუღლე ჩემი არ ყოფნისას ჩამოვიდოდა...

„ცოლი ჩამოსულა და ეგ არი... როგორ ვერ მივხვდი!“ — ამის გაფიქრება იყო, რომ ისევ შეირყა საწოლი... ქალს საბოლოო მოთმინება დაელია და ამიტომ... მძვინვარეობდა დურა, რა გემართებაო, შემომიხსრა.

რალაცა ნავილულულე და ფეხზე ნამოვვარდი — თეთრპერანგა ქალს მივეტანე... მივეტანე და სიცივისაგან აძიგბიგებული გლუვი და მკვრივი სხეული მოვიქციე მკლავებში...

სიხარული გაკვირვებად შემეცვალა, გაკვირვება — სიხარულად: ჩემს მკერდთან „აელიტას“ გულისფეთქვა ვიგრძენი. ის იყო ჩემი საყვარელი მაცივარი. მაშინვე კარი გამოვალე და ცივი „ბორჯომით“ გავიგრილე აღვივებული გული.

მაცივარში ორი ბოთლი სხვა იდო, ალბათ ლადომ თუ შეაწყო...



მომდევნო წამებში უკვე სხვა ბოთლი მეჭირა ხელში, ყელიდან ვიყარყარებდი და იმ სახელოვან დასტაქრებს ვლოცავდი, ვინც ჩემს „აელიტას“ სიცოცხლე დაუბრუნა, გადაუნერგა ისეთი ძლიერი გული, რომ მას მარტო დგომა კი არა, სიარულიც შეაძლებინა.

ელგუჯა მერაბიშვილი

ნახ. ი. შინაუზვილისა



პაი ჭკუისაგან

მჯობნის ლია ვაჭარი, მემწვანნილე იამზე!.. თავში ვიხლი ორ დიპლომს, ვუტრიალებ ორომს!..

ვინც სწავლობდა ორებზე, ახლა ცხოვრობს ფრიადზე, ვინც ფრიადზე სწავლობდა, ორიანზე ცხოვრობს!..

ბაბო სვედელიძე

უსიტყვოდ

„პუსიკა“

იუმორისა

წვიმდა. ქალმა სანვიმარი ლაბადა უფრო მჭიდროდ შე-
მოიხვია და ძაღლის ზონარი მოქაჩა, თავისკენ მიიზიდა.

— პუსიკა, ცოტა ჩქარა გამოადგი ფეხი! ხომ იცი, სახლში
გვაგვიანდება, პენრიკომ უნდა დამირეკოს!

ძაღლმა თითქოს გაიგო პატრონის თხოვნა და ფეხს აუჩქარა.

— ოოხ, როდის იქნება, რომ ამ ბინას გადავცვლით, პუსიკა!
მართალია, ბინა ცუდი არა გვაქვს, მე და შენ თავისუფლად
გვეყოფნის, მაგრამ, როგორ ფიქრობ, ჩემო პატარავ, გვანყენდა
ვაკეში ცხოვრება?

— ოხო-ხო-ხო, რა ავეფხა! არა მგონია ამაზე უკეთესი სად-
მე ვიშოვოთ, პუსიკა! ნუ ჩხაპნი მაგიდის ფეხს, ხომ იცი, ანტი-
კვარნია! — ისტერიკულად შეჰყვირა ავრორამ.

— ჰოო, პუსიკა ჩემო სიცოცხლე, ასეთი ფაიფურის ვაზები
ხომ არავის ექნება მთელ თბილისში! ხომ იცი, ესეც ანტიკვარნია!
ტელეფონის ზარმა ავრორას პუსიკასთან დიალოგი შეა-
წყვეტინა. იგი სავარძლიდან სპარსულ ხალიჩაზე თურქულ პოზა-
ში მოკალათდა, უკანასკნელი ფირმის ყურმილი აიღო და...

— ალო! პელოუ, შემოგველე! სად დაიკარგე, ძვირფასო? მე
და პუსიკამ უშენოდ მოვიხიციეთ. ამოდი, რა! და თან მარლბო-
როს ფირმის სიგარეტი ამოაყოლე! ხომ იცი, ჩვენებურს ვერ ვე-
წვევი არა!.. არა!.. არავითარ შემთხვევაში!.. პენრუსი, იცოდე
სულ არ მოწვევ! ჰო, მართლა... ყავაც არ დაგავიწყდეს, ძვირ-
ფასო!..

— არა! რატომ?.. სად უნდა წავიდეთ? არა! არავითარ შემთხ-
ვევაში! მისი ლლაპების ყვირინის თავი არა მაქვს! ხომ იცი, ძვირ-
ფასო, ბავშვები ძალიან მიყვარს, მაგრამ მათ უაზრო ბლავილს
ვერ ვიტან! არა! არა! მოდი! წყნარად, მშვიდად დავესხდეთ და
ვისაუბროთ!..

მშვიდი და წყნარი საღამოს შემდეგ ავრორამ და პენრიმ
პუსიკა გარეთ გაასეირნეს. მოულოდნელად პუსია აყეფდა
და პატრონის ხელიდან დაძვრომას ლამობდა. მისი ყვფა სასო-
ნარკვეთილ ყმუილში გადაიზარდა. ვილაცისკენ მიიწვედა.

... უზარმაზარი შავი ძაღლი ახალნაშობ ლეკვებს თავს ევ-
ლებოდა და მუცლით ლამობდა სიცვიისაგან მათ დაცვას. ამის
შემხედვარე ავრორა გაჯავრდა, პუსიკას უფრო მაგრად მო-

ქაჩა ზონარი და თავისკენ მიიზიდა. პუსიკამ ერთი გაიწია,
განყვიტა ზონარი და შავი ძაღლისკენ გაქუსლა... ერთმანეთი
დაყნოსეს, მერე მიესალმნენ. პუსია პატარებს მიეფხევა და
პატრონისაკენ თვალი გააპარა.

— პუსია! შე საძაგელო!.. წამოეთრე ახლავე! როგორ გაუ-
დე მაგ ბიძაშურ, მაგ მათხოვარ ძაღლთან მისვლა?.. მოდი ჩემ-
თან! — გაცეცხლებული ქალი ასფალტზე ფეხებს აბაკუნებდა,
ხოლო პენრი მამაკაცური მოთმინებით ამშვიდებდა მას. პუსიამ
ბენევი შეიყვინა, ზიზლით შეხედა პატრონს და საშინელი ავი ყე-
ფით გამოემშვიდობა მას...


— წარმოგიდგენია, პენრი? ვილაც მანანალის გულისათვის
პუსიამ მიმატოვა! ეცი ახლა პატივი ძაღლებს!..

— ნუ ნერვულობ, ჩემო ანგელოზო, ჩვენ მალე ჯვარს დავი-
წერთ, შექვნით ერთ პატარა ქართულ ოჯახს და ერთი პუსიკას
ნაცვლად ორ პატარა პუსიკას გიყვდი!

— ოოპ, ჩემო პენრიკო, რა კეთილი ხარ! მე ყოველთვის შენი
იმედი მექონდა და მექნება, შენ ნამდვილი ქართველი მამაკაცი
ხარ, მაგრამ ჯვარს მანამ ვერ დავინერთ, სანამ ვაკეში ბინას არ
გადავცვლით!

— კარგი, ჩემი ავრორიკო, როგორც შენ გაგისარდება! ნუ,
ნუ ტირი ჩემო პატარავ! დამშვიდდი, ყველაფერი ისე იქნება, რო-
გორც შენ გინდა!..

მედეა მელაქე



ცოლი: — აღარ გიყვარვარ! ად-
რე მთელ საღამოს ჩემ წინ იჯექი, თვა-
ლებში მიყურებდი და ჩემი ხელი გეჭირა!..
ძმარი: — ძვირფასო, იმის შემდეგ,
რაც პიანინო ვიყიდეთ, შენ განსაკუთრე-
ბულ აუცილებლობას აღარ წარმოადგენ!

**ორი მეგობარი ერთმანეთს ელაპა-
რაკებოდა:**
— ჩემი ცოლი სულ აღენ დელოსს მა-
დარებს.
— დაიხ, მართლაც, თქვენს შორის არა-
ფერია საერთო!
— აი, სწორედ ასე ამბობს ისიც.

როგორ გაატარებ შევბუღება?
— ისევ ისე, როგორც სამსახურში: ზი-
ხარ, არაფერს აკეთებ და სადილს ელო-
დები.

**ქალბატონო, აი უკვე რამდენიმე საა-
თია, მაკვირდებით, როგორ ვიჭერ თევზს!**
თქვენ რატომ არ თევზაობთ?
— მოთმინება არ მყოფნის.

გეთანხმებით, ბატონო მოსამართლე,
მე მართლაც მუხლებზე დაჩოქილი ვიდექი
გზატყეველზე, მაგრამ ეს სრულიად არ ამ-
ტყეველს იმას რომ მთვრალი ვიყავი!
— აბა, იმას როგორღა აგვისხნით, რომ
ცდილობდით, მოგედუნათ და მანქანაში
ჩაგეტყნათ გზის თეთრი გამყოფი ზოლი?

ყვნიყრა იუმორი

საპარიკმახაროში შევიდა მამაკაცი
ბავშვთან ერთად.
— გაკრიჭო თუ გაგპარსო? — ეკით-
ხება ოსტატი.
— ისიც და ისიც.
შუა პარსვის დროს მამაკაცი ადგა და
ეუბნება:

— ახლა ჩემი ბიჭი გაკრიჭეთ, მე მა-
ნამდე გაზეთების მოსატანად წავალ!
გადის ერთი საათი და საბოლოოდ მოთ-
მინებიდან გამოსული ოსტატი ბავშვს უყ-
ვირის:
— სად დაიკარგა მამაშენი?
— ეგ არაა ჩემი მამა, — ეუბნება ბავ-
შვი, — ეგ უცხო კაცი ქუჩაში შემხვდა
და უფასოდ გაკრიჭა შემომთავაზა.

გაცოფებული ბინის დამკირავებელი
სახლის მფლობელთან მივიდა.
— აღარ შემიძლია ასეთ არაადამიანურ
პირობებში ცხოვრება! — დაიდრიალა მან,
— სახურავიდან ჟონავს, ოთხივე ფანჯარა
ჩამტვრეულია, წვიმის შემდეგ მთელი ია-

ტაკი წყლით არის დაფარული. რამდენ
ხანს გაგრძელდება ეს ყველაფერი?
სახლის მფლობელმა მხრები აიჩეჩა და
წაილულულა: — ამას რატომ მეკითხე-
ბით? მე მხოლოდ უძრავი ქონების მფლო-
ბელი ვარ და არა ამინდის წინასწარმეტ-
ყველი!

გაზეთი აცხადებს: „გვესაჭიროება
ახალგაზრდა, საინტერესო ქალი, რომელ-
საც ეცოდინება ტრანქტორის მართვა. ტრან-
ქტორის ფოტოსურათი აუცილებელია!“

— რაზე გელაპარაკებოდა ეს კლიენტი
ამდენ ხანს?
— მან მითხრა, რომ ჩვენთან საზიზლა-
რი კვებაა, ლუდი დამუყავებულია, ხოლო
ყავას, როგორც ნარეცხს ისეთი გემო აქვს.
— აბა, რით არის უკმაყოფილო?

ურასმა თვითონვე დაიწყო განსჯა:
— კარგი, ვთქვათ, რომ ადამიანი მარ-
თლაც მაიმუნის წარმომავლობისაა, ვინ
არის ისეთი, რომელიც ხედება, რომ ის
მაიმუნი არაა?

— ეს ნაკადული აქ იკარგება და ჩნდება
მხოლოდ დუქანთან, — აუხსნა ტურისტე-
ბის ჯგუფს გიღმა.
— ისე როგორც ჩემი ქმარი! — ამოი-
ოხრა ერთმა ტურისტმა ქალმა.

თარგმნა მანანა ჩოკოშვილი

ნახ. ნ. ამირეჯიბისა



თელავი-88

КОНТРОЛЬНЫЕ
ЭНЗЕМПЛЯРЫ



საბირისა და იუმორის
თურნალი „ნიანგი“
№ 21 (1775). ნოემბერი.
გამოდის 1923 წლის ივნისიდან.

მთავარი რედაქტორი
ზაურ გოლჭვაძე

სარედაქციო კოლეგია:

ავთანდილ ადიშვილი
(პასუხისმგებელი მდივანი),
ვახუა ამირეჯიბი, ნოზალი
ბართაია, ბორის გურგუ-
ლია, რევაზ თვარაძე, ჭე-
მალ ლოლუა, ნოდარ მა-
ლაზონია (მხატვარ-რედაქ-
ტორი), აღექსანდრე სამ-
სონია, ბეჟან ხიხარულიძე
(მთავარი რედაქტორის მო-
ადგილე), ჯანსუღ ჩარკვიან-
ი, თამაზ წივწივაძე, ნა-
ფი ჭუსიოთი.

ტექნიკური რედაქტორი
ირაკლი დუნდუა

გადამცა ასაწყობად
03. 10. 88 წ. ხელოვნური-
ლი დასაბეჭდოდ 25. 10.
88 წ. ქალაქის ზომა
60 X 90^{1/8}, ფიზიკური ნაბე-
ჭდი ფურცელი 1,5. სად-
რიტებო-საგამომცემლო თა-
ბანი 1,9. საქართველოს კ-
ცის გამომცემლობა,
ლენინის 14. შეკვ. 2504
უე 04802 ტირაჟი 136.000
ქურნალის გამოდის თვეში
ორჯერ. რედაქციაში შემო-
სული მასალები ავტორებს
არ უბრუნდებათ.

ჩვენი მისამართი: 880008.
თბილისი-8, რუსთაველის
პროსპექტი № 42.

ტელეფონები: მთავარი
რედაქტორის — 99-55-54,
მთ. რედ. მოადგილის —
93-19-42, პ/მგ მდივნის —
93-10-78, მხატვარ-რედაქ-
ტორის — 99-02-38, გან-
ყოფილებათა გამგეების —
93-49-32, რედაქტორ-ლიტ-
მუშაკების — 99-02-38,
მდივან-მემაქანის —
99-76-69.

Сатирико - юмористиче-
ский журнал «НИАН-
ГИ» (На грузинском
языке). Тбилиси, пр. Ру-
ставели № 42. Изда-
тельство ЦК КП Грузии,
Ордена Трудового Зна-
мени типогра-
фия издательства ЦК
КП Грузии, Тбилиси,
улица Ленина № 14.

ფასი 20 კაპ.
ინდექსი 76137

